

賞雨茅屋詩集

賞雨茅屋詩集卷之五

盱江 曾燠 賓谷

古今體詩七十一首

仇實父畫桓伊吹笛圖

軍中鶴唳揚英聲使君能使秦人驚
殿前雁柱寫胷臆使君能使謝公泣
王郎聽笛果奚取不泣不驚還不語
卻似訪人徒造門依然看竹何須主
使君於此殊自如如此不凡應捋鬚
我昨經過邀笛步風林髣髴龍吟處

請纓圖爲萬廉山明府題

廉山嘗佐苗疆戎幕

橫草功名要及时如君那免壯心悲
漢廷年少曾追畫

賞雨茅屋詩集

卷之五

一

蠻府參軍但有詩花裏鳴琴聊作宰酒邊看劍欲酬知
笑予日日憂羣盜材下官孤力又衰

詠琴八首

琴絃

可憐絲七條條條若冰雪好爲楚王揮休如伯牙絕

琴暉

落落橫晨星纍纍貫珠璣梧桐三十葉一葉應一暉

琴軫

粲然啟玉齒爲君審宮徵絲絲均八扣轉轉如流水

琴足

簪日青梧枝鳳兮曾託足今日朱絲纏請聽鳳鳴曲

琴紋

蛇蚶與牛毛苦辨雷沈製憺無古人手安用古人器

琴牀

支向綠陰裏竚來涼月光迴軫未終曲落花紛滿牀

琴薦

不爲舞女茵不爲歌伎席唯有鳳凰來時時一畱迹

琴囊

童抱欲何適壁懸將有待不遇知音人此囊終不解

萬廉山明府出示湖州郡廨鴿子堂詩云管仲姬

曾畫白鴿今堂中存其四俗呼爲鴿子堂作此寄題

鷗波草堂煙水荒吳興畱得鴿子堂堂名曷取取諸畫
人道仲姬眞迹藏夫人蘭竹妙無比閒寫應眞或山水
不聞禽鳥兼擅長我疑斯筆出承旨當時白雁飛滿天
鸚之鵒之公不還厓山雪浪沈白鷗冬青樹林唬杜鵑
王孫夫婦在草莽越鳥未許南枝安雙飛公向燕山路
游戲蘭茗宿珠樹白翎雀聽健兒歌赤兔鷗因貴人賦
朔風蕭蕭冰雪沍翠翰卻有金丸懼歸來南國湖山春
竹籬茅舍容閒身檐前鵲鴿亂成隊一飲一啄皆天真

偶摹物態寄幽適傳至千載驚有神我聞宋高宮禁多
養鴿二帝之書不能達又聞曲端放鴿能點軍一壞長
城國不活不知王孫當日憶此無填海之心精衛如不
然繪事尋常有奚取堂名今尙呼

與蓮裳楊甫石琴豈匏同游白沙翠竹江村次蓮
裳韵

曾題牆上字一半雜莓苔竹有新枝長人添白髮來坐
還臨水列窗更爲山開江渚多佳處何時築釣臺

效豈匏體仍用前韵

村溪冠礙樹徑滑履黏苔隔水聞禽喚迎門有蝶來梅

林黃欲闢荷葉綠新開幽賞未能忒斜陽下石臺

送蓮裳還鄉秋試

萬里風中燕秋來每憶鄉艱難因老母慘澹向名場高
第終何益窮儒未可藏吾生已強半戀祿尙殊方

眞州謁文信國公祠

瑞木何爲者炎精竟無靈

公指南錄有天下趙詩一首序云至眞州聞有樵人破一

樹樹中有生成三字曰天下趙亟取木視之果然眞州號迎鑾鎮藝祖發迹於此非在天之靈所爲乎詩曰皇王著姓復炎圖此是中興受命符獨荒祠閉江岸滿地向迎鑾呈瑞字爲言藝祖有靈無

燕榛荆唯公簪亾命擊楫江風生一日身未死天傾猶
力擎許遠在睢陽張巡特見迎賀蘭兵可偕一旅那不

興長淮尙我有兩閫宜合并夙嫌何足計勵以同仇盟
往時黃天蕩猛士驅長鯨今者白沙江庶幾能繼聲使
君方北伐流言誤東征彷徨孤城外心迹難自明紛紛
草閒活卿相多求榮公自敵軍來疑公亦恆情不經霜
雪苦誰識松筠貞事機此一失力盡於空阬嗟哉天不
祚厥恨何能平千載眞州人傳述猶涕零我來拜公像
悲風颯冬青尋公舊行迹莽莽滄桑夏

尤水村生日以詩爲壽

水村稱半人

水村有痼疾嘗自謂半人

得天迺獨全心空不物物亦

復無物緣一身一牀几受以屋一椽日夕何往來山雲

與江煙徑閒芳草秀樹靜棲禽便寓目皆可喜非意無
由干有時潑醉墨風竹千枝頗但取自怡悅何求畫筆
傳不定愈不亂非佛而非仙優哉尊厥生七十猶盛年

敬題王文成公畫像二十四韵

不畫麒麟閣誰圖冰雪顏一官終嶺表千祀接尼山性
命空談易經綸實效艱知兵儒者事八輔小人患漢武
輕銜櫛周王縱轍環礮聲金闕震杖血玉墀殷豺虎方
當道驅羆肯受閑本來吳淞諄況附守澄姦靖難援家
恣行軍賴夙嫻風生湓浦口煙滅贛江灣獻捷書旋上
親征詔尙頒九華辭賞太萬乘奪功還杜預情難直陳

湯爵未班福人多碌碌異議正嘖嘖材大安能用名高
每得訕籌紆三寸管瘴染五谿蠻我里公營治甘棠人
所攀豈唯滋蔓翦先使亂苗刪橫水巖巒裏左谿林簪
間梯雲通絕壑宴月下危關戰壘耕桑起邊城鼓角閒
去思縣世代拜像重悲潛今日烽常警官軍甲久擐生
申何不再竊願破天慳

再題王文成公畫像

學在陽明洞裏天兵銷彭蠡澤中煙元黃未起東林黨
黑白幾誣北狩年乍得披圖覘道氣想從憂國見華顛
重吟紙尾懷歸句尙爲征蠻緬咎賢

畫像後附公自書
雨中歸懷一律有

五月南征想
伏波之句

讀洪穉存萬里荷戈百日賜環二集題其後

君得爲詩是

國恩長歌萬里入關門笑他紹聖元符際蘇軾文章禁
不存

滄江風雨一船高招我松寥看海濤

嘉慶六年六月廿一日約我同游焦

山絕少行吟顚顚色知君未肯著離騷

醉翁吟

歐陽文忠公生日
致祭座客同作

請君調素琴試操醉翁吟翁逝七百載我能知乃心翁
之樂以天下大酒醴方須麴蘖作富韓杜范忽休官朝

議豈容臣一箇衆人皆醉嫌獨醒幽谷之泉香復清且
與滁人日遊讌醉鄉可以逃其名翁樂滁人豐滁人樂
翁醉四方聞此名釀酒期翁至揚州獨幸翁移來邵伯
湖裏千花開花前賓客載杯罍蜀阜夏築糟邱臺花謝
酒闌翁去矣滁人揚人淚如水我過平山世已遙醉翁
祠下人如蠅醉翁醉翁今不逢高文大節吾誰從年年
六月傳花會請客還須吟醉翁

赴穉存焦山之約以大風引還得句卻寄

洪厓墮足罡風裏西過流沙萬餘里歸來東海訪名山
樂與焦仙共棲止眼中憐我尙埃塵期我扶桑一問津

咫尺蓬萊忽相失乘風破浪彼何人

穉存蒙

特赦歸寄示塞外詩冊奉答一首

聖主求言量獨宏謫書宣示舉朝驚
竟將忠愛憐蘇軾不許公卿害賈生
絕塞烏頭三月白歸裝駝背一編輕
旁觀猶感

君恩厚何況親爲雪窖行

寄隱仙菴王道士

王詩畫
兼善琴

寂寞山阿賞者誰亭亭物表見吾師
神仙古有松風閣賓客今傳桂樹詞

庭有古
桂二樹

畫手常教龍變化琴心祇許

鶴聞知方平簪約來過我應惱塵寰故自遲

題袁又愷所藏明季六君子遺札

周忠介父子周忠毅魏忠節陳

文潔黃石齋

書陳天子不坐聽書報故人心可證想他尺素親緘題
墨瀋淋漓淚俱迸
生字裏秋星寒氣使行間朔風勁
豈徒筆札擅文苑當與諫函光
史乘從來甫節弄魁柄
膺洊擊之常不勝清流既盡黃巾來
遂有中常與賊應
熹宗爾日誠童昏莊烈初年號明聖
鼠輩纔嬰七等罰
貂璫又執三軍令
首陽鉤黨空有名
柴市孤忠亦無命
數公先後同所歸
地下良朋悲合併
當時心正筆亦正

我讀其辭不忍竟

題萬卷歸裝圖贈孫淵如觀察

披圖人歎孫郎貧我謂孫郎真富人
人間何者用不竭雞蟲得失徒紛紜
取之無禁亦無盡縹囊綈帙非常珍
想從濟上發官舫夜夜虹月輝河津
我輩讀書爲何事居官常負書中意
斲輪未足喻齊侯刀筆豈能從漢吏
大官大邑身所庇不若歸求美錦製
君不見古人萬卷抵百城結字依然有高致

寫經樓爲錢梅谿

詠題

俗書一以行古文無見者印本一以多讀書誰復寫世

子若餐秀色聞芳氣武彝蒙嶺皆風靡揚州卑溼不產
茶惡酒中人唯木瓜累我常時忍煩渴胷塵萬斛年來
加昨日越中書今日吳中信熊魚兼得如吾願請君更
賦龍井詩君欲分茶筆能潤

酬楊甫真州寄懷元韵

聞道先生習靜時門前掃迹樹低枝登臨興減唯看畫
忠愛情多每詠詩爲我擔頭增重負勞君局外算枯棋
不須更說鷹猜急鴻鵠冥冥蚤見嗤

酬楊甫疊韵再寄兼酬石琴

石琴在真州見子與
楊甫往還之作因有

和章

不如北雁早知時卻似南鳥未有枝玉局雖爲歸老計

香山空賦卜隣詩

楊甫擬居楞伽山僕有青芝山卜隣圖也

消除壯氣慵看

劍息盡機心肯對基羨殺簷何巫釣好草堂松桂免人

嗤

石琴不赴公車

傳得闍齋臨終畱訣之作悲而成歌并柬楊甫

闍齋

需次湖北州牧而自縵于黃州旅舍臨終遺詩云
管間黃金萬里贖蛾眉今盼白璧千雙救窮士但
擬千字文不歌河滿子使我再生公必喜公必喜
我再生疏財仗義佛心俠骨萬古知公名王鐵夫
曾南城

經年不得君消息一紙傳來君絕筆嗚乎人生至此極
鵬鳥賦鸚鵡洲楚天萬古才人愁知君鬱鬱不得志君

若再生休識字不然寧作地下修文郎人世埋憂總無
地故鄉十里芙蓉湖幽魂儻復歸來乎芙蓉凋盡湖亦
冷湖上而今誰讀書閩齋有芙蓉湖上讀書圖僕會題詩聞君有二雛皆
爲不凡子我與鐵夫當善視延陵寶劍雖可輕徐君墓
草悲風生

傳來都下詩篇多和張船山翰林驛柳之作賦此

寄懷

誰吟驛柳怨春風蜀客鄉心有萬重雨雪霏霏還卒少
關山處處羽書逢攀條幾歲悲司馬籌筆何時起臥龍
想爲煙塵憔悴極已非張緒舊姿容

答石琴手山乞弟五泉用坡公焦千之求惠山泉

詩韵

我知二子才言泉而笥腹左史誦典墳倉曹通氏族無
以搜枯腸何由發素蓄新茶日澆灌新句日連續采歛
亂綦組音皆中琴筑卻嫌江水渾捧盃卽輦蹙向我求
山泉不憺再三瀆投來五字清換太一甌綠此邦俗尙
奢戶戶饌金玉我猶腐儒餐嗟怨徧童僕唯有泉盈缶
恆供衆人掬味澹覺至甘氣清生異馥連朝江上雨已
報梅子熟當發調水符夏釀酒百斛

石琴手山集團以弟五泉試龍井茶各復有詩因

用坡公端午小集石塔寺韵和之爲續揚州故事
也

世味若湯候漚泡幻生滅甘苦隨所遭敢矜吾有舌茗
飲豈不佳過多反酸噎漏卮無大小欵器量盈闕坡公

特求精水要活火熱官焙得數餅強辨環與玦公煎茶詩貴從

活火發新泉又月兔茶詩環非環玦非玦云云會烹蜀井泉古寺作新節不誇

兩腋風卻感雙鬢雪我今自觀心頗類此水潔飢渴尙

爲害服食苦無訣爲念神功泉仙寰渺隔絕澹交得諸

君且復分杯啜

魏文帝賦詩臺消夏會分體得七律五排二首

飄風日日會浮雲魏帝曾來此駐軍客子畏人堪一笑
伯才無主竟三分爭鋒定憶先王語摘藻猶同令弟文
豈謂長江天不限南朝屢誤信前聞

西北浮雲逝東南王氣銷石頭餘舊壘鼎足記前朝讖
應黃天立軍忘赤壁燒欲輕揚子險豈信獬兒梟江闊
公無渡冰寒馬不驕書難憑孟德詩儻寄張昭帝嘗書
典論及

詩賦寄張
昭見魏志虎踞方成勢鵝巢卻有妖未看吳入洛早又

舜承堯草草三分了茫茫九派遙獨傳篇籍在終古廣

陵潮

和白樂天二詠

詠拙

天巧夫何如人巧若常勝得失旣紛紛誰復甘退聽曩
余不自量頗以拙爲病雕琢無成功頑鈍有眞性入參
喉舌司旣不善辭令出膺財賦職又鮮催科政鳩同鵲
占巢蹇與驥爭徑下慙時世賢上負

天子聖安仁誠拙宦奉母發歸興謀生我復拙一室如
懸磬人言導引方得之可延命衛生我復拙白髮滿明
鏡直鉤不能漁方輪不可乘般匠誨亦難天孫乞豈應
生年將半百氣局宜已定庶息漢陰機毋爲與世競

詠慵

吾拙旣如斯庶幾勤可補奈何宰官身心性如野父與
民務休息文法免鉤距與客刪禮數周旋失規矩笙歌
聒耳煩冠帶折腰苦書至遲答人學荒嬾誦古款段馬
不進氈氍鶴不舞弛弦難爲弓散木豈中柱時賢節目
密稍疏疑慢侮以此無意中往往逢人怒而況吾蚤衰
鬢霜已如許

朝廷恕其慵不令投劾去

宋院本宮人鬪草圖

銷夏會分體得
七古七絕二首

江南異卉年年進艮嶽初開采香徑美人香草嬌春風
君王卻在寶籙宮仙心太切春心少閒殺宮娥唯鬪草

評量姿態分顏色誰入宣和睿覽冊

徽宗取植物尤異者凡十五種寫之

丹青名曰宣和睿覽冊見畫繼

一朝事業付煙雲十道江山殉花石

闕草有輪還有贏豈如郭京兒戲兵燕山已築瓊華島更復看花洛陽道

宰相堂閒不闕兵宮娥小戲亦常情香車北去春三月

路入燕山草未生

元人以宋三宮北去在德祐二年三月

白羽扇十二韵

羽毛何太潔臂指若爲功雖失三霄路猶培六月風
因人成冷煖無客辨雌雄豈受元規汗難辭內史籠
聯拳如序鷺舞掌作驚鴻清得冰霜氣華非藻繪工
節疏禁

畏日翮短憶高穹
往者蜀丞相麾兵出漢中
後來顧常侍握柄定江東
小醜今稽戮諸軍孰效忠
素心徒激迫衰鬢漸氄氄
此扇將安用畿封苦蘊隆

直隸甚旱

讀元道州詩

公自呼漫郎賦詩殊不漫
上爲丹陛箴下爲蒼生歎
公又號聲叟矢音殊不聲
水樂自宮徵雲山入咸韶
漫爲世所憎聲非世所許
顧多淫靡詞或作鉤輅語
淫靡眞漫浪鉤輅乃聲翮
公集在千古足以程詩家

讀柳柳州詩

屈原不遭放千古無妙辭
造物於柳州有意昌其詩
蠻

荒好山水負絕人未知大筆落奇境孤吟寫憂思斑斑
苦竹色澹澹幽蘭姿鶴唳楚天曉猿嘯秋雨時讀之使
氣靜又使心不怕湘川渺夷猶中自含古悲饒歌戰武
牢雅奏平淮夷清廟明堂中位置豈不宜騷人竟終老
負彼修門期

飯牛詞

婦子噉噉飯不足爾牛有力荒能熟南山豆苗今又稀
買豆無錢新典衣牽向門前繫碌碡隔林呼犢相隨歸
爾牛旣飽力須使官府收糧需好米朝來靈雨土膏渥
田有牛耕良已樂不聞秦楚田多荒軍令捉牛常運糧

飲馬詞

江南諸營駿足閒朝朝散放滄江邊江風吹使馬骨軟
慵伴老兵沙上眠楚蜀邊防馬力竭山高瘴深苦蒸熱
槽頭芻豆常不充牽飲漢江半人血賊兵善奔難尾追
昔日小駒今就衰幾時班馬各歸伍縱飲汗池馬不苦

浴鵲詞

槐陰晝轉闌干曲金藻盆中水搖綠鵲之鵲之呼出籠
主人今日賜汝浴黑雲一片垂清池梳翎刷羽紛離披
須臾出向掌中立主人爲汝勤拂拭主人浴鵲聲聞天
鵲鵲浴來文采鮮跼跼如汝有何取憐汝猶能學人語

豈知學語多不明語不中理兼失情他日主人厭喧聒
鶴將鸚鵡皆無聲

揚州詠古小樂府

咏皇孫

殷有祖兮祥降胤漢有皇孫兮卵不能翼鶉奔奔兮鵲
疆疆燕之巢兮招鳳鳳鳳不育雛兮鴉妾生子旣取其
子兮其室亦毀羽差池兮燕自飛誰似莊姜兮送妾歸
替日之雉兮軍猶袒左此日之燕兮水竟滅火

愛敬陂

愛敬陂君來民不飢君去拔郡民相隨求田問舍孰憂

國世上紛紛下牀客

築新城

公不能泛赤石會蘭亭亦不能常棲土山登冶城卻來
步邱築城住種成萬古甘棠樹悲哉公去西州路

車中閑

車中閑不褰帷少年豪氣今就衰人道貴人當若斯貴
人安逸作新婦情懷貴人好身手君不見青絲白馬來
天子下殿走

螺子黛

羣黎方額蹙君自餐蛾綠日費黛螺三五斛多於比戶

困中粟錦纜牽來殿腳女兩堤楊柳鬪眉嫵中有絳仙
尤出羣相如掃黛似文君唐家所好何迺異唯有關中
孃子軍

界大秤

卿相量才苦失真令人千載思婦人婦人才筆過張孔
一時朝士皆江總墨勅斜封官已多何人復肯唱迴波
君請聽桑條歌

跨木鶴

落雕侍御何豪雄不騎大鳥立戰功乃思跨鶴騰虛空
空中王母幾時降青鳥不來鶴不上仙人卻裏故壙葬

故壇葬魂何依城郭猶是人民非越中也有天符下又
見羅平妖鳥飛

金帶圍

花信有神四枝花不如五色雲

詔諭降

揚州誰所有不屬瀛國公亦不屬謝太后乃是先皇詔
臣守詔臣守豈詔降臣不守城有如大江

薤袍笏

梅花嶺上雪萬古香不滅前有李庭芝後有史憲之

嘲蟬

何蟲不可憐
汝又茂林顛
枵腹有誰見
悲鳴空復然
情多秋易老
聲咽語難圓
風露須珍重
莫驚琴上絃

古戍

已是閒亭堠
風雲祇覺寒
當時論險要
成算出艱難
沙雜邊人骨
林多野燒瘢
太平須有備
守者莫偷安

漁火

煙暝暮江闊
客船安所投
中流見燈火
知有蘆花洲
漁子家家飯
寒星點點秋
勞人發長歎
歸買釣魚舟

水花

瑟瑟秋風裏
暉暉夕照時
寒姿黃蝶媚
香氣白鷗知
谿

雲南詩集卷之五
女含幽意騷人寫麗詞故鄉歸未得開落水邊籬

山燒

初訝流星亂俄看掣電明層巒從此瘦春草幾時生久
畏邊烽警何堪野燒驚崑岡無玉石揩眼一傷情

戲題白菴蘭竹

蘭雲捧硯煙水香篠雲鋪紙玉雪光

蘭雲篠雲白菴二姬名

左畫

叢蘭右叢篠風枝露葉人同芳畫成相顧一大笑賞此
須盡千壺觴醉來蘭篠相扶將朝雲暮雲雲太忙

寄書白菴因送寄書人

君過庾嶺時寒梅方著蕊中有詠花人定爲吳季子

鎮江甘露寺題壁

千古英雄入佛多劫灰無數此山阿夜來東塔霜鐘響
落向空江卷逝波

酬史恆齋學博

秋花一院客俱寒尊酒畱君且盡歡白髮無情非壯日
清時有味是閒官湖山不負平生好文字將傳後世看
聞道南谿鷗可狎

南谿在興化范文正有南谿馴鷗詩

廣文歸太海天寬

寶雨茅屋詩集卷之五終

賞雨茅屋詩集卷之六

盱江 曾煥 賓谷

古今體詩一百七首

編江西詩徵得論詩雜詠五十四首

堯民歌鑿井商士歌采薇心聲偶然發豈意工文辭陶

詩出應璩此說吾未知

陶淵明

夫君心迹清常在青蓮宇鐘聲和白雲非復世中語去

陶三百年此爲第二祖

蔡母孝通

寒潭潦水淨孤片當潭心響無灘瀨急量與江湖淡汰

曲雖寥寥今猶聞古琴

劉杳虛

落落雲欲往矯矯鶴不羣蕭蕭氣始秋澹澹曙初分丈
夫有正色誦詩見其人

王季友

廬山雲錦張秀出南斗倚山人此朝夕吸盡明湖光奇
絕鶴聲句全篇何獨

楊衡

粲然啟玉齒有語皆成綺不食煙火人多情乃如此凌
雲氣自高終異兒女子

施肩吾

長篇聖政紀忠愛如剗黃羈人竟顚賴故國多煙塵楚
魂吟夜月蜀魄嘯餘春

來鵬

有唐三百年風雅道爲盛詩隨國運衰都官猶後勁雲
臺佳句多何必鷓鴣詠

鄭谷

平生講學人迺復擅詞藻高唱嚴陵臺悲吟蕭關道此

才宜有用表世但草草

王貞石

奸雄託禪讓請誦塗山詩忠義不能伸成仙亦可悲子

嵩

宋齊邱

與蓮花

妓也

何涸乃公爲

陳陶

不爲至寶丹便爲乞兒相公詩差免俗往往能豪宕崑

體亦復佳當出楊劉上

晏元獻

先生際盛明皇祐嘉祐中憂時意何激語氣悲秋空爛

爛巖間電烈烈松下風

李泰伯

今人知杜韓昔日無杜韓舉世所不爲公始爲其難藉

非砥柱筆何以迴狂瀾

歐陽永叔

詩法與治法公皆操苦心生平獨此事歐蘇亦知音持

律何精嚴宗門開定林

王半山

二劉皆博學原父特風雅五字多唐音不在元和下生

豈無人知死望知我者

劉原父

三孔於蘇門韓之有劉又郎中氣尤橫才不減雪車雲

龍鎮相逐嶺海何荒遐

孔平仲

海棠豈無香淵材論未允元豐橐猶在耳食故堪哂不

足當歐王庶幾敵梅尹

子固先生

青天浮海蜃赤手搏長蛇俯仰不隨人故自成一家兒

孫強學語與世徒齟齬

黃山谷

臨川老布衣而無寒瘁態二謝皆可惜大謝尤可愛筆

勢如睂山未是涪翁派

謝無逸

在世不稱意翻然入初地故多金石聲安得蔬筍氣請

誦歎息行佛門弟一義

饒節

國運方中興奸邪竊其柄閒氣屬詩家心正筆亦正遙

傳杜陵燈親付劍南印

曾茶山

圓如珠走盤清若水鳴瀨能教老嫗知可向雞林賣近

日名詩家隨園溯其派

楊誠齋

官家手作書親賜白團扇秋節乍涼秋棄捐不相見文

心陸贄哀詩格柳州變

汪彥章

要爲天下奇獨慮公家事蠻荒坡老身歌哭少陵淚盧

谿

王廷珪也

亦異人字挾風霜氣

胡澹庵

白石詞固妙妙能不入詩試將詩按譜真可吹參差茗

谿好煙月羨爾仙人姿

姜白石

阿翁蘇武節萬里河梁什諸郎李氏才一家花萼集於

中誰擅場季也殆眉白

洪容齋

宋詩以公殿唐代未能及可知忠孝情詩教所由立例

之巡遠傳編共疊山集

文文山

墨名而儒行復作儒家語浮屠坐黨獄茲事前無古我

法所兼收彼法所不取

覺範

竹多涫淚斑花是斷腸色孤雁悲遠天寒蟲泣秋夕

煢老嫠婦落落舊逋客

劉須谿

河汾有諸老谷音盡遺民如何二谿集

兼謂須谿

皆列於元

人和靖不娶妻浪蕩江湖春

甘東谿

昌黎薦孟郊東坡薦山谷奏雅有同工聆音識其曲巍

然白雪樓此道絕還續

程鉅夫

歌詩以見志法自先聖始關閩濂洛人往往不工此公

好邵子書才猶及朱子

吳草廬

增城千里地宮闕皆瓊華餐以素麟脯駕以斑龍車仙

人美如玉吐氣成丹霞

虞伯生

癯然一寒士氣概空九州青天獨鶴鳴燕雀徒啁啾官
卑何足計長抱蒼生憂

范德機

世有王楊盧駱丞故居後囊中七寶具亦是修月手文

人乃相輕三日作新婦

揭曼碩

詠史復詠懷斑斑淚盈紙東籬晉宋秋

集中句

寄慨可知

矣千古雍門琴聽之心欲死

何太虛

老宿盡凋謝清江替人出鄭虔終冷官潘岳早亾室工

詩乃致窮年命又何迫

傅與礪

作者多不傳世寧知剩語生平懷古意鬱勃成樂府千

秋寂寞名淚涇九原上

艾天謂

前代綺羅盡新音山水清槎翁澹雅人詩肖其生平如

何沈尚書

歸愚

謂學溫飛卿

劉子高

孝陵猶不事豈肯從張王興亡無限悲詆蕩於歡場哀

絲與豪竹入耳皆金商

張光弼

名同盧照隣死亦同所歸勝朝作淞涼文士多禍機葬

骨在魚腹千秋悲楚辭

張來儀

露餘山氣青雪後江流白卓犖辛

好禮楊伯謙

閒伊人好風

格世俗恆未知知音故難得

王子與

造語不欲犯運思不欲癡江南文價多一時爲君低

宋用

景濂

託疾竟辭闕哀吟發五噫

劉仲修

中丞磨不磷玉屑今猶剩真氣如白虹日星與輝映可

憐黃太常

澄子

寥落枯梅詠

練子寧

書生一枝筆馳驟戎馬閒揮成出塞詞笳鼓悲關山奏
功不蒙賞但唱饒歌還

劉彥昂

僧繇善畫龍愷之善畫人兩者不點睛有體無精神從

知臺閣裏必用臺閣文

楊東里

才情抑何富下筆不宥休有如天馬馳又若懸河流此

在永樂中己冠夔龍儔

曾子啟

要津無直道公以師儒終官閒學轉浚造詣力獨工絲

情而體物猶有風人風

胡苦思

路與白雲遠幽行爲之遲澹澹水鳴澗習習風吹衣開
卷遇此境掩卷令人思

教子發

優孟具衣冠但堪演傳奇人愛公傳奇如愛王季詩公
詩則休矣妙處誰當知

湯玉茗

佳語澹若無使人意自潑含豪正縣邈作者曾腐心瑤
瑟江湘水月明何處尋

陳伯璣

橫槊黎母水鳴笳賀蘭山蠻煙與塞雪和淚吹行閒歸

從令弟耕

青藜

壯氣摧衰顏

曾庭聞

周郎尙年少骨聳精爽緊談笑揮風雲羣雄氣欲盡造
物意何爲斯人偏蚤殞

楊子載

公前六十年緒絕江西社堂堂公挺生大旨出忠雅論
詩止於公願告後來者

蔣清容

和恆齋二詩

浴鶴

處世忌太潔

太白句

鶴兮柰汝何與汝浴咸池晞髮陽之

阿

芟園樹枝

愛樹必伐樹附枝何苦繁呼僮芟附枝切勿傷其根

日日

日日風雲不得閒陰晴常在渺茫閒纔聞江漲龍頭石

在吳又報河奔鹿角關

在臨邑縣

孟蘭盆會歌

月色昏黃燈火綠鈴聲幽怨和鬼哭一瓶一鉢佛慈悲
可憐餓鬼飯不足鬼在生時半餓死佛不度人惟度鬼
禪師試以慧眼觀新鬼多于故鬼矣如是我聞佛出世
乞食猶須從舍衛禪師呪鬼毋悲酸人間一飯良獨難

金山慈雲閣觀蘇公玉帶因題

坡公珪組身心在珪組外素服陶淵明一官嬾束帶參
禪豈鈍根言下當有會苦爲腰鞋拘解脫聊一快人謂
小遊戲誰知大自在況公八州督春夢了無賴萬釘榮

未膺三禩罪常絰笠屐走蠻鄉徒遭婦孺怪了元畱帶
時蚤示當頭喝金山竟永鎮火宅不同壤慈雲閣嘗燬于火而帶存
鍼孔綫蹊中紛然納世界當日小禪牀公眞借四大

燈檠

一尺燈檠短書窗二十年寒禁風雨夜光避綺羅筵照
得頭如雪迴看帳有煙麤官今廢讀牆角忍輕捐

平山堂秋望

十年容易又秋光暇日登臨必此堂山翠濛濛收六代
人煙漠漠近重陽雁來沙際聲如雨花發筵前鬢有霜
欲作農夫歸老太江西諸郡報田荒

觀音山人言是迷樓故址

暮鼓晨鐘震窈冥迷生泉下可曾醒

迷生見汾苑珠林

煙花遺

俗今猶盛但費金錢乞佛靈

手山有詩訊蘭雪病次韵兼柬蓮裳

不信黃金術可成相看綠髮歲頻更鶴從病後忘雲路
樹到秋來作雨聲貧戶救荒安有策皇天任運本無情
知君每夜勞鄉夢須酌壺觴徑達明

翁覃谿學士仿書文信公與吳新谿三札爲蘭雪

題

德祐勤王詔天下義旗一旅唯江西文公督府多鄉人

鄧光薦傳乃佚吳新谿新谿事迹載家乘宣撫三札存

其辭師行求給餽餉者永豐縣尉能任之嗚乎文公不作寇子翼中興佐命輸軍資新谿徒似南霽雲睢陽食盡還乞師皋亭厓山大事太殘兵餓卒奚能爲柴市孤魂招不得當時籌筆遺墨猶淋漓新谿歸後一展看新谿風日皆淒淒方其從事幕府始江淮閩廣半壁支儻用文公四鎮建閩策飛芻挽粟寧餒而紛紛將相降且退不若縣尉忠匡時我聞新谿尙有卻聘書當與疊山文並垂裔孫才可述祖德請錄一通附卷重標題

題袁節母竹柏樓居圖

門人袁廷樞
又愷也

又愷從予學吟詩哭柏舟恩勤思寡母天地有高楼表
墓千金盡傳家五硯畱竹柏樓之旁有五硯樓袁氏世寶也吳楓橋上月
終古照寒流

蓮裳自泰山來以所拓開元東封頌碑見贈且請
賦詩

樂生之才敵相如立志不爲封禪書登山但好古文字
巖薛石髮親爬梳示我開元碑數紙因之論事相嗟吁
功成治定匪容易孰謂蒼蒼者可愚開元初政比貞觀
貞觀之中不封禪故事獨舉乾封儀侈心已萌天寶亂
當日驩虞亦小補吐蕃往往爲邊患西鸛東鰈能致無

朝右惜無鄭公諫古人所爲出盛德後人附會滋口實
舜巡禹貢代相沿至有奸雄託讓國七十二君方結繩
千八百碑誰刻石緯家曲說良厚誣況襲虛名亾實迹
當日大風裂幕非常災相公言是海神來泰山曾不若
林放妄紀符瑞何愚哉老君立廟稱遠祖宏農得寶歌
樂府還從上界聽霓裳更有私情祝河鼓我稽漢武迄
宋眞數君封禪失維均何以開元局一變唐家岌岌爲
亾秦此碑點畫雖完備魚銘軌字同兒戲我欲登山刻
石母使示後人竝焚此紙君許未

秋陰曲

颯颯風吹日不煦空林時復飄疏雨掣臂蒼鷹方得意
雲端飛灑開毛羽秋來天地多寒陰肅殺之氣悲人心
吾欲雷霆掃羣暄陽和迴轉如春潑

酬蘭雪病中論詩畱別之作二首

壯夫安得不雕蟲志業銷磨在此中青眼高歌嘗望子
百年多病亦成翁聞雞起舞悲良夜秣馬長征向曉風
湖海蹉跎詩更健可憐心與世爭雄

寒來不作秋蟲語病裏猶爲獨鶴鳴幽抱自然無俗事

眞詩何必有時名藏園業尙傳家在

謂師退

汝水才多竝

世生

謂蓮裳

我視諸公雖未逮談龍一錄久心輕

梅花鳥歌

海客攜至產自西洋鳥雌雄各一小如
氏雀朱喙黃趾毛羽褐色兼淺絳上有

白點如

梅花

天寒吾正思梅花報春有鳥來天涯蓬萊宮中撥花使
常向羅浮花裏睡覺來香雪霑衣巾壽陽宮主妝成新
塞鴻海燕不能匹小鳳雙雙輝五色東閣官梅枝尙空
渠來復覺生春風試爲我歌爲我舞我判醉倒如師雄
問渠何事離海嶠庾嶺迢迢隔雲表羅浮近日煙塵多
萬樹瓊瑤付一掃烏乎萬樹瓊瑤付一掃飛飛誰是安
巢鳥

冶山

廣陵財賦之所出今但有鹽昔有銅銅山荒廢亦良好
金氣或化爲戈鋒所金得姓有天下錢刀利害關始終
聖人理財由大道乃以詐力相豪雄亭長詭稱賀錢萬
甫能謁客逢呂公蕭何奉錢獨以五他時千戶故益封
民知此意爭逐末況又放鑄誰爲農區區諄漚無足怪
吳王豈不如鄧通淮南江都繼有事內難未已而外攻
朔方歲費百餘萬藏鏹竟爲軍資空言利之臣進桑孔
水衡不收公家窮開源節流古有法均輸平準徒彌縫
六名乍改五銖廢變起外戚非同宗嗚乎錢刀利害乃
如此當日上下逐逐於其中火德千年滅餘焰誰司鑪

鞠有廟畱孤峯廣陵重利益遺俗錢神亘古常尊崇

錢舜舉楊妃上馬圖

人影衣香馬亦驕桃花春色滿生綃卻思曹霸圖神駿
方喜開元是聖朝

贈陳明府

鴻壽

之官嶺南

陳生赴嶺南爲我畱十日十日不能去名動廣陵客踏
破鐵門限裏中各有石請生爲手雕一日遂盈百來者
生不拒去者意各得得者必誇予精妙世無匹我初見
數章謂是王冕刻意匠煩經營定不受促迫及茲歎有
神速過書家筆問生何能爾生言無異術君不聞庖丁

解牛奏刀騁官止神欲行導竅或批卻又不開輪扁手
應心而出有數存其閒不徐仍不疾吾藝亦如之學古
化糟魄妙處吾獨喻豈能爲君述嗟生進乎道此道通
治國敷政無競綵乃與民大適生今懷利器嶺外試宰
邑新硎割小鮮游又有餘力此邦多寶玉寶玉不可食
煮石以爲糧家足人徧給

送秋和蓮裳

祇言秋可悲秋太欲追思明月如前夢黃花有昨期誰
催長晝短坐見活雲癡傷過春歸日衰年重別離

寒到太陽色凡姿誰得溫爲魚愁凍沼與樹壅孤根亦

解新春近難忘昔日暄勞人隨歲序頭上雪初繁

再和蓮裳送秋四五兩章元韵

叢棘未經燒好花偏避寒人皆羞老圃樹始愛蒼官漠漠雲陰重荒荒野色寬向來繁豔處淡惲等閒看

客奏苦寒曲聞之喚奈何陽春唯恨小夜景欲嫌多囊解登高佩筵收乞巧梭風光驚轉眼大地一南柯

酬方子雲

君不見漢時兩子雲谷永筆札揚雄文太守上書祇阿鳳大夫稱命唯美新君不見今世一子雲兼擅雄文與谷筆何曾待詔偕公車至竟居貧乏儋石男兒生不成

名則命耳豈能逐逐夸毘子雞鳴山下宅一區縱酒談
元將已矣大江風雪吹孤舟勞君訪我來揚州知君并
載江湖游今始見君俱白頭多才依舊能潦倒杜落筆
猶輕萬戶侯

盆松

空山千尺強歲暮多風霜汝今與衆卉細瑣升中堂所
遭寧不幸厥性則已傷矯矯虬龍枝翦伐毋使長區區
尺寸地振撥動有妨昨來雲鶴下向汝殊俚俚不得巢
其顛悲鳴復飛颺異哉高格損貞姿故如常同堂盆供
花榮落何太忙

瓶花

我生無根蒂杜對此窗閒枝所貴岑寂中而有春意滋

跗萼縱不繁好當半開時微風屢遞馥澹月爲寫姿忽

思庶草蕃唯上膏是資易之以勺水生理何其微轉復

念園樹雨雪紛離披此花猶後枯況不霑汗泥吾聞大

士沾甘露盈軍持欲求灑數滴萬物皆起衰

顏魯公名印歌

丹霞亘天虹貫月印出一腔忠義血印猶可毀名不滅

當時佩相印者誰楊國忠李輔國相繼元載盧杞隨臭

名萬代人唾之元宗不識公可惜肅宗代宗猶不識德

宗適以公昇賊想公判獄方簽名驕陽匿景甘霖傾想
公馳檄鈐紙尾二十四郡完金城魚軍容爭坐位劉中
使忘大義見公尺書扣名字權貴茫然皆奪氣公名雅
稱公爲人與人家國無非真卽論詞翰亦殊絕真氣鬱
勃彌千春當時六州鑄錯何草草至尊符璽幾不保銅
章兩字長完好使公成名公所悼

題晞髮集後

天心哭不轉故人哭不返千秋慟哭聲嗚咽在殘簡殘
簡傳世非其心當時寫哀聊寄音胥種神靈尙愁聽海
潮不過桐江潯

求閒

求閒何日得行役是閒時野趣交生眼山光入遠思浴禽聊醒倦放馬優忘疲爲語與夫道官程緩更宜

胸山懷古

東門萬古旭光開曾屬嬴秦幾日來赫赫神人鞭巨石
茫茫仙客訪蓬萊祇言外戶關長慮誰識蕭牆有禍胎
碑字消磨陵谷變如今表海是雲臺雲臺山木在海中近來海徙距雲臺
二十里胸山則離海逾
遠且又小於雲臺也

海州寄石琴芙蓉初厚菴蘭池手山祁生

寄與題襟館裏書主人不在客愁孤梅因索笑開花未

鶴爲悲吟得病無海上荒田猶待雪秋閒積潦半成湖
可知拙宦詩情減輸汝銷寒舊酒徒

晚登海州城樓簡唐陶山孫尹圃二牧

孤城接混茫歲暮況殘陽海氣兼天凍山雲滿市黃飢
寒人命賤寬猛吏才妨吾欲呼龍起燒田望雪忙

新安鎮道中喜雨

吾攜碧海雲歸路散氤氲凍影天邊合清聲樹裏聞麥
蘇纔有氣衣溼任生紋未識今朝雨維揚可得分

芙初自蘇州來知胡眉峯未嘗落髮蓋傳聞之誤

寄此詩

綠鬢應成素青衫未肯緇旁觀隱憂日君子固窮時吾
道亦云幸此生皆有涯向來能壯語渾不似僧詩

峨眉積雪硯山

硯水忽寒色凍作玻璃江其中窈然秀照見峨眉雙峨
肩萬古雪積素當我窗幽光壓晝炎晃景搖宵釭昔時
有坡公嶽降於茲邦灑墨傾詞源雪消三峽瀧公今不
可見見山心已降惜公不還山乃愛仇池峯我今愛此
石亦自嗤愚蠢麻源有靈谷載石謀歸艘

謝史恆齋寄餽興化所產露果

孤生材易遺此物吾未知乍叨故人惠溪感皇天慈濱

海生事薄地窮天濟之甘露一以零雨暘闕都彌土膏
中白足糞種外不資無源本如醴無根遂成芝黍稷同
歲登租糧免官追今年況苦旱茲土差忘飢側聞崆峒
麥不足供王師又聞粵地薯亂後蕪不治誰能盛露公
徧灑千楊枝物物成善果兆姓無天疵君吟蔓草詩野有蔓草零露漙漙兮小序以爲思遇時也我蒙素餐譏連朝得瑞雪聊慰君所
期

上元泛舟石湖遂登上方絕頂

春氣在流水春人苦畏寒吳門燈火密石湖煙波寬幽
意發遠草霽心迎曉巒鴻飛憐迹新鷗泛覺聲歡梵剎

湧濤出漁梁弭楫安塔顛倚微躬杖底收巨觀雪霽靈
巖樹風迴洞庭湍千村若浮甌孤城如彈丸古事隨代
謝塵勞逐年殫范公愛茲景當日竟辭官

明日游天平取道支硎寒山

太湖挾羣龍勢與東溟會鱗爪紛攫拏頗嫌萬頃隘其
中容數十餘者躍湖外劈空散雷雨振古轟地籟支硎
亘寒山乾土無一塊頑石如積鐵皆爲水所碎坂平或
丸走門高或簾挂九河失故道三峽成險砦夏雪晴自
飛秋陽冷難曬及茲冬臘餘凍壑尙砰湃行人與水爭
天祇一綫大上防灌頂來下怯濡尾逮雲寒若微霜灑

面生粟疥立春已前夕陽氣未茲屆

入天平山酌泉白雲精舍

入谷穿天心出谷轉月脅誰把青蓮花萬柄向空插
媧皇窮鍛鍊遺物太叢雜五丁費工夫斧劈何瑣屑森
森玉筍尖簇簇屏風疊圭首羣出衷劍鋌總離匣拔地忽
千丈去天纔一指下臨雨陳低上逼星垣狹冠佩紛戛
摩旌幢迴飄颻恍見雲中君空際相拱揖人言有天漿
懸注青玉峽雲氣所融化仙人始得呬翹瞻竹樹杪一
屋兩峯夾緣棧頻趾顛入門愁頂壓階前卽乳竇滴瀝
手可接石中釜誰炊甘白如米汁向者寒山泉奔騰復

壁豁茲焉但涓涓山靈巧吐飲

越嶺至靈巖

白雲不畱人隨我出崖厂始見斜陽明向來疑晝闇後
巖方卻顧一步一重掩前岡復仰陟一折一峯顯久之
路漸窮峭壁高障臉硤角轉平臺太湖忽當檻霜氣凍
成鏡波紋鋪作簟茫茫雪海中螺髻青且儼側聞林屋
洞仙伯守眞檢吳主不能讀五湖輪與范由來粉黛妝
徒爲山水玷伯圖久蕭條逝日何在苒念此憎塵俗誓
將湔舊染蓬壺咫尺閒鼓櫂入指點

觀周端孝血疏貼黃題後

早歲精誠薄顙穹，暮年緗素颯悲風。先人已化菴宏碧，
故主還嘯杜宇紅。身世茫茫頭似雪，文書奕奕氣如虹。
十三行自堪千古，不數王郎寫賦工。

題姜氏藝圃圖貞毅先生所寄居也

縹雲片石迴蒼蒼，傳是東來舊草堂。湘浦人遙蘅杜碧，
首陽山古蕨薇香。死歸戍所如君在，生戀閒居有母將。
吳下園林知幾許，百年流寓獨難忘。

正月十九日過常州趙雲菴觀察，招同劉檀橋中允、
莊迂甫、贊善洪稚存、蔣曙齋檢討，讌集皆從詞館出者。雲菴前輩先有詩奉和二首。

衣邊溼雪鬢邊塵忽作羣仙會裏賓蓬閭又增新歲月
江湖猶識舊星辰遨頭時節公常健輭腳杯醪我始春
洛社香山眞樂事座中偏著一勞人

且幸浮生半日閒聽談舊事動心顏蠻荒煙雨人磨盾

雲菴先生

大漠風沙客度關

穉存同年

鬢髮蕭騷百年內夢魂安

穩五湖閒詔書新到同稱慶楚蜀全軍報凱還

和手山三詠

酒瓢

我如匏不材常與人共濟淡涉屢自驚濁醪聊自慰一
瓢就斟酌頗知飲水味貯春滿其中猶有風露氣漫落

豈無容具淳故可貴庶幾中聖人敢學聖人繫

茶竈

我席有不煖茲突故常黔載舟從魯望煎水隨子瞻
煬之不須人活火吹風檐濤聲入遠樹雲氣縈疏簾
沁心時有香炙手未覺炎佳客偶然至松枝頻自添

藥鑪

我無養丹法閉卻方寸鑪因之百病生藥物爲常需
造化不在手煙火時燎鬚病多藥亦雜世苦無扁盧
深愁仁壽民遂爲庸醫殂中和有大治火候其審諸

題朱荅裳先生遺照

前有龔芝麓題

虞山已贈漁洋什芝麓還題玉叔真一代風騷要提唱
前朝畱得數名人

與厚菴蘭池手山集團登五州山

嘗從煙雨中遙望米家畫

南宮有五州煙雨圖

今來入畫裏轉出

煙雨外懸崖一俯窺江如匹練大始知江上雲來往猶
下界坡公此焉臥胷次想一快

月夜渡江作

大江東去月西流萬古茫茫一葉舟已覺將身銀漢上
風帆落處又瓜州

秦小峴前輩自湖南得請歸已年餘昨過無錫始

見之卻寄此詩

春申浦上風打舟九龍山中雲自幽爲念故人勇於我

角巾歸里與良謀橫山丙舍畫曾讀

向在京師爲君題橫山丙舍圖

突

兀眼前今見屋梅花帳有孤山香芰荷衣作湘水綠與

君離別纔三年握手一見令君憐不須細說別來事但

看青鬢成華顛上林當日同巢鳥東飛西飛相見少紛

然習習猶籠中誰得冥冥向雲表終南捷徑世豈無北

山草堂多鶴書況復才人求自試入貲往往如相如嗟

君恬退不可及似我積唐彌自惜碧山吟社儻見招欲

蓋把茅傍君宅

君藏有碧山吟社圖

煮蒙頂茶

茶人故多有致此獨憐渠來與蜀江盡采從烽火餘民
飢依草木師老慮糧儲一飲轉煩悶相如渴不如

與題襟館諸公品茶作歌

以酒澆愁愁酒醒況我平生不善飲故人欲我蠲煩疴
處處封題寄佳茗常州賈崧爲我製竹鑪瀟湘煙雨日
日吹吾廬眞州尤蔭爲我慮大瓠使貯明月分江湖江
湖飲水經十年惠山泉與中泠泉古人辛苦煩驛遞我
今所得蓋已偏几上峯巒峙羣玉簾前草色連梧竹茶
香縈繞於其閒四座鬚眉盡寒綠昨者韓城相公歸老

太念我求歸尙無據
既以衡山煮茗圖興來且就圖中

生王宮傳致政將歸自京寄
文徵仲松窗煮茗圖爲別

賞雨茅屋詩集卷之六終

